

# Аллоҳга ҳақиқий тақво ила тақво қилинг | Тазкия дарси (256-дарс)

**ТАЗКИЯ**  
256-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 19.11.2023 1701

Тоат маъносидаги оятлар.

Аллоҳ таоло шундай деб марҳамат қилади:

وَأَنْتُمْ إِلَّا تَمُوتُونَ وَلَا تُقَاتِلُهُ حَقَّ اللَّهِ اتَّقُوا ءَامِنُوا الَّذِينَ يَتَأَيَّبُوا

مُسْلِمُونَ ١٠٢

**«Эй иймон келтирганлар! Аллоҳга ҳақиқий тақво ила тақво қилинг ва мусулмон бўлган ҳолингиздагина ўлинг» (Оли Имрон сураси, 102-оят).**

Машҳур саҳобий Абдуллоҳ ибн Масъуд розияллоҳу анҳу ҳақиқий тақвони «Аллоҳга итоат этиб, исён этмаслик, Уни эшлаш ва унутмаслик, Унга доимо шуқр қилиб, куфр кетмаслик», деб таърифлаганлар. Демак, ким Аллоҳ таолонинг

«**Эй иймон келтирганлар! Аллоҳга ҳақиқий тақво ила тақво қилинг**», деган амрига амал этишни ирода қилса, юқоридаги ривоятдаги маъноларни ўзида мужассам қилмоғи лозим бўлади.

Тақво ҳақида Аллоҳ таоло яна бундай деб марҳамат қилади:

وَالْعُدُونَ بِالْإِثْمِ تَتَنَجَّوْا فَلَا تَنْجِيكُمْ إِذَاءَ أَمْنُوا الَّذِينَ يَتَأْتِيهَا

إِلَيْهِ الَّذِي اللَّهُ وَأَتَّقُوا وَالنَّقْوَى بِالْبِرِّ وَتَنَجَّوْا الرَّسُولِ وَمَعْصِيَتِ



«**Эй иймон келтирганлар! Қачон махфий суҳбат қилсангиз, гуноҳ, душманчилик ва Расулга осий бўлиш хусусида махфий суҳбат қилмангиз. Яхшилик ва тақво хусусида махфий суҳбат қилингиз. Ҳузурига тўпланадиганингиз Аллоҳга тақво қилингиз**» (Мужодала сураси, 9-оят).

Бу ояти каримадаги «**тақво**»дан мурод ҳам тоатдир.

Ибодат маъносидаги оятлар.

Аллоҳ таоло шундай деб марҳамат қилади:

بِعَهْدِي وَأَوْفُوا عَلَيْكُمْ أَنْعَمْتُ الَّتِي نِعَمَتِي أذْكُرُوا إِسْرَائِيلَ يَبْنِي

أَنْزَلْتُ بِمَا وَعَاءِمْنُوا ﴿٤٠﴾ فَأَرْهَبُونَ وَإِنِّي بِعَهْدِكُمْ أُوفِ

ثُمَّنَا بِبَابَتِي تَشْتَرُوا وَلَا بِهِءِ كَافِرٍ أَوَّلَ تَكُونُوا وَلَا مَعَكُمْ لِمَا مُصَدِّقًا

﴿٤١﴾ فَأَتَّقُونَ وَإِنِّي قَلِيلًا

**«Эй Бану Исроил, сизга инъом этган неъматларимни эсланг ва Менинг аҳдимга вафо қилинг, Мен ҳам сизнинг аҳдингизга вафо қилурман. Ва Мендангина қўрқинг. Ва Мен сиздаги нарсани тасдиқловчи қилиб нозил қилган нарсага иймон келтиринг. Унга биринчи куфр келтирувчи бўлманг ва оятларимни озгина баҳога сотманг. Ва Менгагина тақво қилинг» (Бақара сураси, 40-41-оятлар).**

Аллоҳ таоло оятнинг охирида:

**«...ва Менгагина тақво қилинг»,** демоқда.

Бунинг маъноси «Менгагина ибодат қилинг», деганидир.

Тақвонинг тоат-ибодат экани Аллоҳ таолонинг қуйидаги ояти карималарида яна ҳам аниқ қилиб баён этилган:

يُشْرِكُونَ عَمَّا وَعَتَّىٰ سُبْحٰنَهُۥ تَسْتَعْجِلُوهُۗ فَلَا إِلٰهَ اَمْرًاۗتَىٰ

١ أَنْ عِبَادِهِۦ مِمَّنْ يَشَاءُ مَنَ عَلَىٰ اَمْرِهِۦۗ مِّنْ بِالرُّوْحِ الْمَلٰٓئِكَةِ يُنَزَّلُ

٢ فَاتَّقُوْنَ اَنَا۠ اِلَّا اِلٰهَ لَا اَنَّهٗۗ اَنْذِرُوْا

**«Аллоҳнинг амри келди. Бас, унга ошиқмай қўяқолинг. У Зот улар ширк келтираётган нарсалардан пок ва олийдир. У Зот Ўз амри ила фаришталарни руҳ (ваҳий) билан бандаларидан Ўзи хоҳлаганларига: «Огоҳлантиринглар. Албатта, Мендан ўзга илоҳ йўқ. Бас, Менга тақво қилинглр», деб нозил қилур»** (Наҳл сураси, 1-2-оят).

Яъни Аллоҳ таоло бандалари орасидан танлаган набийларига фаришталарни ваҳий билан туширади. Шу орқали уларга: «Одамларни огоҳлантиринглар, уларга Мендан ўзга илоҳ йўқ эканини айтинглр ва Менга тақво, яъни ибодат қилинглр», деб айтади. Зотан, ҳар бир набийни юборишдан мақсад ҳам шу ўзи.

Тавҳид ва иймон маъносидаги оятлар.

«Тақво» сўзи баъзи бир оятларда тавҳидни, иймонни англатади. Бу ҳақда Аллоҳ таоло шундай деб марҳамат қилади:

السَّمَوَاتِ فَاطِرَ الْأَحَادِيثِ تَأْوِيلٍ مِنْ وَعَلَّمْتَنِي الْمُلْكَ مِنْ

وَالْآخِرَةَ الدُّنْيَا فِي وِلْيِّهِ أَنْتَ وَالْأَرْضِ

«Сен: «Етти осмоннинг Робби ким? Улуғ Аршнинг Робби ким?» деб айт. Улар: «Аллоҳникидир», дерлар. Сен: «Наҳотки, қўрқмасангиз?!» деб айт» (Муъминун сураси, 86-87-оятлар).

Эй мушриклар, етти осмон ва улуғ Арш Аллоҳники эканини билар экансизлар, нима учун У Зотга иймон келтирмайсизлар?

Аллоҳ таолонинг шунчалик қудратга эга эканини кўриб-билиб туриб, Унга куфр келтирасиз-а?! Наҳотки, У Зотнинг азобидан қўрқмасангиз?!

Бошқа бир ояти каримада Аллоҳ таоло яна бундай деб марҳамат қилади:

نُنْقُونَ الْأَنْوَحَ أَخُوهُمْ لَهُمْ قَالَ إِذِ الْمُرْسَلِينَ نُوحٍ قَوْمٍ كَذَّبَتْ



«Нух қавми расулларни ёлғончига чиқарди. Ўшанда уларга биродарлари Нух деди: «Қўрқмайсизми?!» (Шуаро сураси, 105-106-оятлар).

Яъни, эй қавмим, нимага буту санамларга ибодат қилмоқдасиз? Аллоҳ таолога иймон келтирмайсизми?!

**«Руҳий тарбия» китобининг 2-жузи асосида тайёрланди**

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хулосаси асосида чоп этилган.